

寧國府志卷之七

直隸寧國府知府任丘黎晨校刊

防圍紀

古者建侯啓宇莫不襟帶山川乘高扼險以爲民衛所在樹兵藏甲春秋以時芟閱戒在不虞易曰王公設險以守其國夫天生五材誰能去兵是故崇象聲威所以示巨防而警姦宄道至備也寧國本江臯密郡孫氏開基屹爲重鎮經營防戍代有其所

明興內設宣州衛外列巡檢司百餘年間衛兵日耗徼巡法弛成化初郡邑始增置民兵頗足救時而訓練無藝猝難授甲緩急之備吾甚懼焉史譏唐兵三變勢則使然何爲譏也今列其墉隍阨塞見兵戎噐條著于篇以明使戰之端

本府據山爲城南距鰲峯西連涌澤岡東北帶宛水城高二丈五尺厚三丈周延九里一十三步闢爲五門東曰陽德太和南曰薰化西曰寶成北曰仰極闔闔樓堞皆具環城警鋪十二

初城築於晉內史桓彝時干戈草昧規制未弘梁太守何遠而下稍增築之隋開皇中刺史王選始拓西北岡阜宋乾德中南唐節度使林仁肇復脩築新城有韓熙載記周雖國步已康而關防益謹乃詔寧國軍節度使檢校太尉同中書門下平章事都督宣州諸軍事宣州刺史濟南公築此新城况寧國重藩地控荆吳作關東之襟帶必須良將籌謀崇垣壯麗公乃因三農閑隙遂敷心計將校呈規工徒獻藝因高就遠以日繼時萬堞才成堅同石堞四門始畢儼若玉關爰自壬戌歲二月興役止癸亥年三月畢工所築新城自金光門西北轉至舊城崇德門東北角長五里三百三十三步從崇德門南轉至金光門東長四里二百三十三步新舊城共長一十里一百九十三步新開濠塹亦

寧國府志卷七

從金光門透新城轉透出大溪長八百四十九丈深三尺有餘造成大樓八所其諸敵樓橋道不可殫書懿乎哉城之為役也暫勞永逸既不騫而窮崩有備無虞信可大而可久銘功勒石以待暴客其詞曰王公設險以守其國重門擊柝以待暴客况此宣城國之關闕不有金湯胡為控扼烈烈虎臣爰茲鎮牧廉問方期仁風戴沐寅承廟筭允因玉燭遂度土工乃陳畚輦經之壘堞疏流萬尋淵引千雉雲浮石堞王關鐵甃金甌雄加九服麗絕方州何巨防之可比視方城兮蔑如勒勳績於貞石作藩屏於皇居

癸亥歲十月五日建 元至正中廉訪使道童重加甃甃五門名額皆所更定 本朝知府鞠騰霄

宋獻葉錫益飭治焉

南陵無城表以四門東曰迎恩南曰麗正西曰黃

塘北曰拱辰正德間知縣胡文靜建

涇三門東曰延和西曰通津北曰賓陽正德間知縣鄭氣建

寧國城高一丈五尺厚稱是周延五百一十九丈四門東曰抱武南曰秀水西曰接文北曰名山樓堞各具鋪舍一所五邑唯寧國有城本孫吳所築以備山越趙宋南渡遂為臨安藩屏稍加增築元至正中白總管者嘗脩浚之

寧國府志卷七

三

豐北曰迎恩元貞元中縣令王禎建

太平五門東曰水東上東南曰寧國西曰絃歌北曰拱辰弘治正德間縣令王雄朱守為建

宣城北有黃池水陽二巡檢司又有符裡鎮東舊有麻姑寨

南陵西南有義嶺巡檢司北舊有鵲橋之鎮褚圻之屯

涇南有茹麻嶺巡檢司舊有俞將軍走馬城北舊有幙山軍壘白龜城

寧國東南有岳山巡檢司孔夫關舊又有千秋唐
舍白沙豪阡四關西南有胡樂巡檢司叢山關
旌德東舊有烏岑巡檢司北舊有三溪巡檢司桓
公城西舊有石子寨

太平南有宏潭巡檢司北舊有龍門巡檢司

郡境界在吳越諸郡之西由蕪湖入不踰日而涉
吾西北之境由姑溪入不二日而涉吾北境於是
以黃池爲重鎮由東壩間道入不二日而涉吾東
北之境由高淳入不踰日而涉吾北境於是以水

寧國府志卷七

四

陽爲屯塞由繁昌青陽銅陵入不二日而涉吾西
境於是以石埭荻嶺爲襟喉由石埭黥歙入不踰
日而涉吾西南之境於是以宏潭爲屏蔽由績溪
入不踰日而涉吾南境由昌化於潛間道入不二
日而涉吾東南之境於是以叢山關千秋嶺爲鎖
鑰由杭湖廣德而入不二日而涉吾東境於是以
麻姑山爲要害宣之險阨備於此矣

宣州衛中前二千戶所旗軍七百二十人每軍十
設總小旗各一人總旗十設百戶一人百戶統於

千戶千戶統於指揮惟百戶以上不置員額教場在城

東半里許

初洪武十八年稍倣元萬戶府之制凡內郡大者及要害地俱置衛衛轄五所兵滿五千人小者置守禦千戶所宣州衛不能五所兵纔一千二百人洪武二十四年復調補北邊兵籍益削又以其大半驅之於漕每歲運糧五百六十人餘多役於班局每歲京班操備而屯田率以餘丁其見兵操守者不能五十人幾於唐之無兵可交者矣

寧國府志卷七

宣城民兵四百人教場附宣州衛

南陵民兵三百人教場在縣北三里

涇民兵二百人教場在縣西南一里許

寧國民兵一百五十人教場在縣東郭外

旌德民兵一百四十人教場在縣北半里許

太平民兵七十六人教場在縣小東門外

成化初兵部以天下衛兵耗弱初籍民為兵其數視縣大小而上下之每兵二十五設總甲一人小甲二人然統馭不專人不習戰殆成虛器嘉靖乙

未巡按御史虞君守愚嘗著論議上之曰今之軍伍卽唐開元末年之府兵也弱亦甚矣不變不可變之又足以啟亂竊謂不待變法而可以濟弱爲強者計獨有民兵耳民因田而出兵閭閻不知有徵兵之擾兵自食其田官府不聞有餽兵之費所司旣得以時料簡而老弱難容役者又許其隨田更代而額數常足此制法善之善者也然拘儒俗吏徃徃泥親丁之說持包當之短遂使有力者輒以家奴應名卽謂之親丁有無膂力技能有司不

問也鄉民間有傭市民自代者則又皆柔猾便捷之徒有司苟利其奔走其有無膂力技能尤不暇問縱有其人又未免困於差遣疲於迎送然則其衰耗不振去今之軍伍者幾希矣安望其爲國捍禦也近年有司罔尋舊典徒欲務爲減損如宣城原編八百名旣減而半矣今則一歲之中又以四百分爲兩班每班僅給銀四兩是則應官者不過二百而已於其中又大半役於府縣其荷安執挺以備非常者恒不滿百人他縣愈不逮是矣此

爲足乎乏乎民雖利於減銀兵實踈於防患以時考之知必不可謂宜急復往年之數每歲給銀七兩二錢而使偕聚于邑若民病于銀重卽當下令凡戶出兵者量蠲他役以恤之兵不可以恒聚春夏秋三時則許其分番赴操使盡力農畝有事召之仍令畢集冬月則併班操習猶必合數邑之兵而大閱之庶人人習戰倉卒可用至于選兵之法要當責其上著試使負重行百步外能二石者爲中式不及者黜不然以強弓勁弩連發試之苟資

其勇健不當較其爲親丁與否也遴選旣畢則登其年貌于冊書曰某也代某某也自役常以二十受役六十而罷每五年則徧加閱視而用前法汰補之如此則不惟兵收精銳而一方惡少盡入吾網羅矣兵強士銳統馭爲艱故事每百人爲四隊隊設總小甲各一人而統於巡捕之丞然丞不常任或兼攝於縣令或別署以他官號令不一人心携二粹有緩急誰能用之臣愚以爲治兵之法貴簡而嚴謂宜稍倣軍制每縣四百人以上者分爲

四哨三百人以下者半之哨必置總名曰哨總每哨分爲四隊隊必置甲名曰小甲兵統於甲甲統於總合諸總而約束之非置長不可唐法兵數百人者爲團其宜名曰團長統領征調督率工役合一邑之兵以聽巡捕之號令者皆團長職也團長必於出兵之家擇富力信義爲鄉里所推者授之其次者爲哨總應役必以親子弟整兜衣甲必遞加表異取其能服衆也體統既定然後以時教訓兵有短長各令專習設未諳曉即使能者轉相教

演不數月中足成精技矣冬月則操三歇三餘時月操二日而止兵有衆寡陣法亦異要使疎密之間足成行列又宜倣河北南贛摺操之法每歲令以季冬群赴于府府巡捕合而演之至月終郡守親臨大閱旌別賞罰而後遣是日也郡守以下皆以戎服從事事竣則課諸縣之殿最以報於撫按其廢而不舉者誚讓加焉訓練有方又必養其鋒銳操演之外惟逐捕奸宄則役之脩繕城池則役之械送罪囚則役之衛護勅使則役之非此而

濫役者請如弘治事例坐之如此則兵有餘勇其
臨敵也必爭先請戰矣若夫旗幟器仗舊皆衆兵
自給臣謂受直之兵不宜重困請量徵免編之田
畝銀一分舉一縣積之多者可得千餘金少者亦
不下數百卽以編審之年斂之於官而使縣巡捕
掌之稍取以治資裝後有彫敗兵自治之餘銀則
以葺教場犒勇士備不時之需凡遇動支縣巡捕
以申府巡捕府巡捕爲之轉達得請而後下之蓋
十年之中不復糜費公帑而軍容亦得以常肅矣

疏上大司馬以爲計便頒其法於諸郡

本府軍器庫胄函弓矢盾戟矛刀弩韜各千以上
鏡大小數百

初宋守任古當紹興間大脩戎器設藏以守之有

程宏遠記畧曰周制諸侯之國輦車千乘戰馬四

無缺於以下威不軌上尊王室國家鑒前代之弊
重兵皆聚於京師州郡軍卒僅克守備旣視大小
配以多寡而器械之設又因上地所宜焉宣爲江
左上郡籍禁軍二千然自金虜脩好踰二十年士
大夫以言兵爲諱佩銅虎符者幸目前亡恙轉相
昇授不肯屑意軍事故卒旅不足於給使若器械
存亡媿惡則莫或誰何也紹興辛巳夏五月虜欲
渝盟朝廷諜知之命將遣戍申飭邊方且詔列城

謹訓練以為備郡太守直龍圖閣任公惻然興憂
丞治城壘繕樓櫓凡可以禦外侮者次第振舉居
亡何虜大入歷陽至於采石相望纒阻江流邦人
惶駭不寧厥居公填撫告諭咸使按堵分命僚佐
共釐軍政捐金公帑市材旁邑程工校技大治戎
械既又視諸故府理舊藏於埃壙堊翳間緝殘斷
而增全之飾古竅而新好之品別彙分井井在列
鉦鼓旗幟甲冑干盾劍戟斤斧弓弩兵石校樓名
計餘四十萬一器之制必精其能一物之須皆給
於用已復請益于朝給賜踵至武備既飭城守有
具迺合郡卒與夫間伍之士部勒閱習整齊嚴肅
四隣望之隱然獨尊千里恃之晏然以寧逆酋既
即天誅餘黨各從獸竄郡縣幸得休息公遂簿正
而藏之且屬宏遠紀誕畧視將來宏遠嘗聞有備
無患先王之教也是以易除戎器不虞斯戒詩備
器械外夷克攘彼虜雖貪暴限以天塹疇能越險
害我而公先事預防纖細周密用意遠至上方經
畧中原指期修復公歸禁近替謀策于以折萬里

寧國府志卷七

十

之遐衝殄逋誅之醜類者蓋以曾中百萬甲兵當
之也其利益豈一宣城哉冬二十有二月甲子左迪
功郎州學教授程宏遠記本朝制令州郡各設軍器庫以儲兵
械歲給守藏一人有事則出而用之

寧國府志卷之七終